

正法念處經卷第十九

寶九

元魏婆羅門瞿曇般若流支譯

畜生品第五之二

復次比丘云何觀羅睺阿脩羅王第二住處
彼以天眼智慧觀察阿脩羅王所住之處縱
廣一萬三千由旬園林浴池蓮華鬱茂遊戲
之處異類衆鳥以為莊嚴阿脩羅城黃金為
地處處多有摩尼寶珠珂貝嚴飾多衆妓女
端正殊妙羅睺阿脩羅王之所主領不相諍
訟隨意憶念能有所至所住境界有十三處

何等十三一名遮迷二名勇走三名憶念四
名殊瓔五名蜂旋六名赤魚目七名正走八
名水行九名住空十名住山窟十一名愛池
十二名魚口十三名共道若諸世間不孝父
母不供養沙門及婆羅門不行正法諸天衆
減增長阿脩羅衆若諸世間供養沙門及婆
羅門修行正法減損阿脩羅增益諸天衆以
法非法二因緣故令諸天阿脩羅增長損減
復次比丘知業果報觀羅睺阿脩羅王所住
境界諸阿脩羅業法果報彼以聞慧知此衆

生見漁獵者張圍設網置罟遮截為利衆生
令其活命破彼魚塢或有勢力逼令放生或
為自利或求名譽或為王者或為大臣遮斷
屠殺或護種族先世相習行不殺法不行諸
善是人身壞命終墮阿脩羅道受阿脩羅身
壽命長遠經五千歲阿脩羅中一日一夜比
於人間經五百歲如是壽命滿五千歲少出
多減亦有中夭以下中心因緣力故身相滅
德如業得報比丘當知觀衆生心種種信解
復次比丘知業果報觀大海底羅睺阿脩羅

地彼以聞慧第一清淨利智觀於地下第二
地有地名月曼在羅睺阿脩羅下二萬一千
由旬有阿脩羅名曰陀摩睺此言骨哩阿脩羅王
名曰華髮彼有大城名雙遊戲縱廣八萬由
旬園林鬱茂清流浴池蓮華映飾金山巖崿
山窟幽邃多有禽獸周遍莊嚴青毗琉璃以
為其地地生綠草柔軟可愛種種衆鳥音聲
和雅諸阿脩羅衆悉住其中充滿國界豐樂
安隱周遍奇特甚可愛樂七寶林樹莊嚴園
觀亦如上說復有衆樹殊特倍前那伽龍樹

無憂龍樹陀婆樹佞性樹無憂力樹復有衆
樹勝前樹林謂夜光樹夜開敷樹婆究吒樹
尼單多樹重華樹普愛樹集華樹繁華樹柔
軟花樹五歲華樹蜂愛樂樹瞿流瞿流音聲
樹衆鳥遊戲樹白齒樹那羅葉樹雙遊戲城
住四山中其山金色一名歡喜山二名金炎
光山三名不見頂山四名可愛光山其山高
廣五千由旬種種林樹流泉浴池河水清冷
群獸異類種種雜色隨色同遊衆殊女等歡
娛受樂種種衆寶莊嚴門戶牛頭栴檀樹香

風涼冷觸身悅樂常遊香林遊戲自娛種種
衆寶以爲光明無所障蔽種種妙華莊嚴其
身無量百千孔雀音聲大阿脩羅王之所守
護寒暑調適多諸人衆歡樂常悅音聲妓樂
歌舞喜笑以自娛意星鬢城中有大池水縱
廣五百由旬第一清淨最上美味無有泥濁
寶九
亦無垢汙湛然無減端嚴可愛猶如滿月星
髮城中其他名曰一切觀見以汎勢力陀摩
睂阿脩羅王若欲聞戰莊嚴器仗圍繞彼池
自觀其身如視明鏡自觀其相知戰勝負於

池水中如明淨鏡自見退走知天必勝若於池中見身偃卧知爲死相時陀摩睺阿脩羅王勇健阿脩羅王於池水中自見其身若走若墮時阿脩羅作是思惟以何事故於此池中見如是事我與天闕退墮破壞即皆還歸所止之處或至十年或至百年或五百年時勇健阿脩羅王以衆器仗種種鉢鎧塗香末香華鬘莊嚴復至一切觀池圍繞自觀何因緣故見我破壞即於池中見閻浮提人孝養父母恭敬沙門婆羅門修行正法樂生天上

命終之後生諸天中是故天衆增長阿脩羅衆虧損減少以於池中見如是相時陀摩睺勇健阿脩羅王作是思惟以人修行孝養父毋供養沙門婆羅門行法因緣以人力故天得勝力我今當與世間之人作不安樂不饒益事令天減劣我等增長時陀摩睺勇健阿脩羅王復自思惟以人因緣天有勢力我當云何令此衆人失其所食令天亦破人以食故而得壽命得修法行今當方便斷人所食思惟是已即向海中惡龍王所是惡龍王不

順法行含毒多瞋常爲他人作大衰損不利
益事我今當往至彼住處惱亂龍王奮迅龍
王迦羅龍王如是等龍不順正法時陀摩^{寶九}賾
阿脩羅王既至龍所作如是言汝於世人快
得自在人今助天令我損滅人依食故而得
壽命汝當爲我斷彼人食汝若能爾則無復
人若無人民天則損減如婆脩吉龍王德又
迦龍王是汝大怨我於諸天亦復如是吾之
怨敵汝可爲我殄滅人界爾時惡龍聞陀摩
賾勇健阿脩羅王如是說已答言甚善我當

與汝共爲伴侶朋翼佐助是時龍王自入其
宮起大瞋恚震動大水或百由旬二百由旬
三百由旬地住水上以水動故大地亦動非
法惡龍動大地已世間邪見諸論師等咸作
是說如是相者國土災儉或言豐樂或言王
崩大臣受殃或言王者靈瑞吉祥或言兵起
或言安隱或言水災或言元旱世間相師如
是說於地動之相而不能知動之因緣復有
異因緣故令大地動隨諸衆生行善不善業
因緣故令地大動地下有風名爲持風持風

動故令大水動大水動故令大地動五十由旬或百由旬或二百由旬或三百由旬或四百由旬隨風廣狹水動亦爾如水廣狹地動亦然以何因緣風動故水動水動故地動即以聞慧天眼觀察風持於水水持於地以風動故大水則動以水動故大地則動是為二因緣故令地大動彼比丘觀二種動若善因緣動衆生豐樂無諸衰患若諸衆生作不善行因緣動者衆生則有不善事起善不善等一切諸業從因緣生非無因生非有作者因

果相似而得果報邪見醫師不識因果作是說言天帝動地或言風動災禍豐樂飢儉荒壞王者吉凶風雨旱潦兵革軍陣或起不起天牛婆羅門或善或惡世間醫師占相吉凶觀星宿者不識因果但作此說記說百災一言有徵愚人皆謂我此書記最勝無比復次比丘知業果報觀陀摩睺阿脩羅勇健阿脩羅王非法惱亂惡龍王等具觀察已為利一切諸世間故思惟觀察云何惡龍弊阿脩羅何因緣故損滅不勝不作衰損壞諸世間即

以聞慧知閻浮提人若修行正法孝養父母供養沙門婆羅門及諸耆老若王大臣修行正法爾時地神諸夜叉等見彼惡龍惡阿脩羅欲行非法壞諸世間即向大海至婆脩吉龍王德又迎龍王等諸龍王所說如是事復告虛空諸夜叉等說如上事時虛空中諸夜叉等聞諸地神說是語已即以大身大神通力生大瞋恚口中出煙乘空上行往詣四天王所說如是言捉婆天王惱亂惡龍弊阿脩羅今欲破壞閻浮提中順法修行孝養之人

閻浮提中邪見論師見彼夜叉口中出煙謂彗星出言是閻羅王一百一子不知乃是一百一大力夜叉時彼世人或有見者有不見者世俗相師說言是閻羅王一百一子不如實知妾生分別言彗星出或言豐樂或言饑饉或言王者吉祥或言王崩或說兵起或言不起或言牛婆羅門吉與不吉或言水旱災異或言其國凶衰或言其國無事雖作此說虛妄不實復次比丘知業果報觀於惡龍惡阿脩羅所行之法彼以聞慧見彼大身大神

通力行使夜叉告諸天衆說如上事時四天王告夜叉曰汝莫怖畏汝莫怖畏諸天尊勝阿脩羅衆怯弱下劣何所能爲所以者何閻浮提人修行正法孝養父母供養沙門婆羅門恭敬長宿以是義故我衆增長阿脩羅弱無所能爲時虛空神諸大神通大夜又等聞天所說歡喜踊躍於彼惡龍阿脩羅所生大眼恚即下欲詣法行龍王婆脩吉德又迦等諸龍王所說上因緣從空而下一切身分光皎騰赫是相者皆言憂流迦出言天向若其

夜下世人皆見若晝下者或言不見下入大海至彼法行大龍王所說上因緣見是相已世間邪見諸呪術師咸作異說是相出者或言豐樂或言饑饉或言王者吉凶或言兵起或言不起或言人民喪沒或言不死或言牛婆羅門有吉不吉雖作此說不知業果隨相似說無有真實復次比丘觀憂流迦天火下者復有因緣憂流迦下諸天欲行宮殿隨身其行速疾二殿並馳互相研磨令火熾炎光明騰赫從上而下世人見已諸呪術師及占

星者作如是說世間饑饉或言當豐或言王
考吉凶災祥或言國土安寧或言荒壞或言
畜生疫病流行民遭重疾或言人畜安吉無
為諸世邪論雖作此說而不能知相之因緣
何以故但隨相說不識業果故所以者何一
切世間沙門婆羅門若天魔梵若阿脩羅不
能如是知微細業因緣果報不能思惟我此
法律十善業道唯除如來復次比丘知業果
報觀於空行大力夜叉云何而得此大勢力
能行天上能至大海法龍王所彼以聞慧見

空行夜又大神通力入大海中至婆脩吉德
又迦隨順法行大龍王所說如是言陀摩睺
阿脩羅勇健阿脩羅王至一切觀池自觀其
身如上所說時婆脩吉德又迦等諸大龍王
聞夜又說告夜又曰非法惡龍我當呵責令
其折伏我當於彼間浮提中降澍時雨令閻
浮提人百穀苗稼悉得增長豐樂安隱夜又
聞已歡喜而去時大龍王婆脩吉德又迦諸
龍王等自莊嚴已往至非法惡龍惱亂龍王
奮迅龍王諸惡龍所作如是言汝行非法好

作衆惡我行正法隨順衆善汝於我等非爲
善伴我今欲與汝聞決其勝負時惱亂奮迅
龍等聞是語已即起莊嚴震雷耀電霹靂起
火降澍大雨若閣浮提人孝養父母供養沙
門及婆羅門耆舊長宿時婆脩吉德又迦龍
王等則得勝力惱亂奮迅惡龍王等破壞還
退令閣浮提兩澤以時人民豐樂時諸呪師
占星宿者妄作邪說言八曜等功德相故二
十八宿功德相故是故依時降澍大雨牛婆
羅門力故今天降雨非餘因緣若閣浮提人

不孝父母不供養沙門婆羅門不敬尊長不行正法婆脩吉德又迦如法龍等退沒不如時惱亂龍奮迅龍等得大勢力今閣浮提兩澤不時災旱水澇人民饑饉世間邪見呪術占星諸相師等作如是說八曜過故時節過故卦相過故諸外道等不識業果不知以衆人行惡令國災儉更作異說非如實見何以故若天世間若魔世間若梵世間若沙門婆羅門非其境界唯除如來及我弟子諸沙門等聞我所說諸業果報及餘業報決定之相

非是餘人能知此業復次比丘知業果報觀
陀摩睺阿脩羅所住之處若如法龍王婆脩
吉等得大勢力非法者壞陀摩睺阿脩羅住
星髮城或住林中心懷憔悴光明威德悉亦
損減羞愧愁感自入其宮作如是念我今何
第九
時能破諸天時陀摩睺思惟是已即往羅睺
阿脩羅所作如是言阿脩羅王汝當強力無
得怯弱不久我當破彼天衆羅睺阿脩羅王
聞走語已告陀摩睺舅健阿脩羅言汝莫愁
怖且自安意不久我能壞彼天衆及其天主

帝釋天王時陀摩睺勇健阿脩羅王聞是語
已復更歡喜還其所止復次比丘知業果報
觀星髮城已次觀陀摩睺阿脩羅餘地園林
彼以聞慧觀陀摩睺有異園林縱廣一萬三
千由旬園林流池衆鳥異類遊戲之處蓮華
浴池鳬鴈鴛鴦周遍莊嚴歡娛受樂其地住
處有七園林一名雲髮林二名常林三名戲
樂林四名果常集林五名風樂林六名妓樂
林七名雜寶林是爲七種大林陀摩睺阿脩
羅之所住處多諸衆侶以自業力皆受富樂

悉滿其中復次比丘知業果報觀陀摩睺阿脩羅受業報果以何業故生於彼處即以聞慧知此衆生於前身時作大施會供養外道行不淨施雜漏不堅以種種食施於破戒雜行之人心無正思如是施已命終生於畜生之中受陀摩睺阿脩羅身以下中上業所得樂報亦下中上因果相類復次比丘知業果報觀勇健阿脩羅王業之果報以何業報得阿脩羅王彼以聞慧見此衆生於人中時喜作賊盜偷竊他物以不正恩施離欲外道充

足飲食以是因緣生阿脩羅中復次比丘觀陀摩睺阿脩羅壽命脩促彼以聞慧天眼觀察見阿脩羅壽六千歲於閻浮提中六百歲以爲陀摩睺阿脩羅中一日一夜如是壽命滿六千歲少出多減命亦不定以善不善業因緣故爲畜生道業果所攝於阿脩羅爲第二地觀第二地已隨順法行觀一切衆生順法衆生法護衆生一切生死所攝衆生善業生於人天之中惡不善業生於地獄餓鬼畜生復次比丘知業果報觀天使者聞虛空中

神通夜又說是事已為何所作彼以聞慧知
天使者往詣護世髮持天所作如是言阿脩
羅衆不順法行教諸惡龍為閻浮提順法行
善諸福德人作不饒益衰害惱亂所以者何
恐彼行善順法之人命終生天彼作是念閻
浮提人以食因緣能行布施持戒智慧汝當
往至閻浮提中降澍惡雨害民百穀空行順
法諸夜又等來至我所說如是事我今語汝
汝可展轉告餘天衆若軍持天三塹篌天常
恣意天說如是事普令得聞時四大天王聞

其所說往詣善見城中善法堂上五欲功德
眷屬具足橋戶迦天王所廣說上事天主橋
戶迦即告護世四天王言汝當往詣閻浮提
觀諸衆生有信佛寶法寶比丘僧寶供養沙
門婆羅門者舊長宿知恩報恩質直有信孝
養父母受持齋戒不詭不佞不以斗秤欺誑
第十九
於人互相陵易爾時護世四大天王聞是語
已為利衆生下閻浮提一一國三一一聚落
一一城邑軍營村柵一一觀察修行法教遍
行普觀爾時護世四大天王見閻浮提人隨

順法行孝養父母敬信三寶見此事已即詣
大海大龍王宮戲樂城內婆脩言德又迦等

大龍王所作如是言法行龍王勿怖勿怖非

法減少正法增長破壞闇冥顯發光明動魔
軍衆天衆增長天人龍王樂行正法能擊法

鼓歌頌法音增益天衆滅復諸魔非法惡龍
及阿脩羅時婆脩吉德又迦等諸大龍王聞
已歡喜即白護世四天王言我今歡喜天王
我今不畏非法惡龍非法惡行弊阿脩羅不
能惱亂闇浮提中法行衆生唯願仁者爲我

啓白釋迦天王時諸龍王說此語已護世天
王至帝釋所具說上事時天帝釋聞是語已
歡喜踊躍伽陀頌曰

牟尼真知說實道

若人能行生天上

諦行布施修慈心

護諸衆生說愛語

正見清淨心離垢

佛說三十三天道

淨修衆善行相應

能以善心正依止

從此樂處至樂處

復從光明還入明

譬如朝落光明華

亦如一燈然異燈

若人欲得如彼燈

莫行放逸自壞心

若有常行淨善心
是人智慧離塵垢
持戒習禪及三昧
是人智慧如真金
若有捨離於殺生
愍哀質直心寂靜
於一切人施軟語
惡業不能汙其心
若人視金如草木
如是離欲智慧人

離垢明淨如寶珠
能至諸天所生處
若人有能心修行
必得往生諸天宮
於諸衆生起慈悲
如是之人生天宮
捨離衆惡不善業
如是之人生天宮
觀諸愛欲如火毒
則生天宮受快樂

若有不爲欲境惑
得脫三惡道怖畏
若見聞諦能勸喻
能善和解令無諍
若人離惡出欲泥
離垢寂滅心解脫
若能調伏於心意
是人清淨破怨敵
若有人能淨身業
離欲修習禪定樂
如是之人生天宮

不隨愛欲之因緣
如是之人生天上
知識親族及兄弟
如是之人生天上
常施一切衆生樂
則能破壞魔軍衆
不爲心意之所使
則得上生諸天宮
遠離衆惡不善法
如是之人生天宮

捨離放逸惡知識
不為女人欲所縛
若人於法勤精進
意志勇猛心堅固
若人能於衆結縛
自在離縛無所滯
離諸欲垢不貪著
若有衆生受人報
如是善人業果報

斷除愛毒諸煩惱
如是之人生天宮
布施持戒及三昧
是人則生於天上
智刀斬之而不礙
如是之人生天宮
滅衆過惡除染愛
則得受於自果報
能常修行衆善法
今天世間得增長

以人力故天增勝
各各迭互增勢力
天之善道人世界
諸惡道地有三種
汝應勇猛勤精進
如是常應增長法
法為衆樂之根本
眠睡衆生法當覺
時天帝釋如是教勅護世四大天王為護闍
以天擁護人安隱
得住正法隨順道
人之善道天世間
行善之人所遠離
當樂親近善知識
勉力勤加昇天宮
以法因緣得涅槃
法為最勝第一道
浮提人增長正法得利益故遍行觀察復次

比丘知業果報觀天心行已內自思惟隨順
法行復次比丘知業果報觀阿脩羅第二地
已次觀第三阿脩羅地何等爲第三阿脩羅
地彼以聞慧見第三地在第二地下二萬一
千由旬有阿脩羅地名脩那婆縱廣一萬三
千由旬樹林鬱茂浴池流泉衆華常敷妙樂
充滿城名鎔毗羅縱廣八千由旬於彼城中
有阿脩羅王名曰華髮阿脩羅民名遊戲行
於阿脩羅鎔毗羅城種種衆寶以爲莊嚴園
林遊戲清流浴池蓮華具足戲遊阿脩羅衆

悉滿其中有四大林以爲莊嚴於六時中華
當鮮榮何等爲四一名鈴髮一一林樹皆有
寶鈴出妙音聲二名黃髮其林皆悉是真金
樹三名炎髮其樹花色猶如火炎四名雜林
諸難華異以爲莊嚴此四種林莊嚴阿脩羅
鎔毗羅城遊戲寶九阿脩羅住處快樂如天無異
十四以衆塗香末香自塗其身常樂遊戲歌舞戲
笑百千妓女圍繞衛護華髮阿脩羅王常遊
園林而相娛樂種種衆寶莊嚴其身是名遊
戲阿脩羅所受樂處時第二地勇健阿脩羅

王遣使名曰閻婆來詣華髮阿脩羅所作如是言閻浮提人供養父母知恩報恩恭敬沙門及婆羅門如法行故今天有力我嘗竭力破壞人天所行正法是時第三地華髮阿脩羅王聞是說已如上所說心懷瞋恚作如是言我當云何壞彼人天因人天故人天即是
第十九我之大怨時第三地遊戲阿脩羅即時莊嚴種種甲冑執持器仗欲詣樂城龍王宮殿時阿脩吉德又迦大龍王等聞阿脩羅聲生大瞋恚身出電光赫炎大明兩大熾電無量百

千億龍從海中出共阿脩羅興大鬪諍若閻浮提人修行正法龍則得勝阿脩羅衆四散破壞若世間人不順正法則阿脩羅勝龍衆破壞既被破已往白天使者曰大仙我今被破汝應竭力破阿脩羅時天使者聞是事已十五心生瞋恚口中煙出往告四天王白言天王阿脩羅勝龍今破壞閻浮提中邪見相師見煙相已咸作是說彗星出現或帶或儉或水或旱亦如上說是說彗星出現若天龍勝則時雨數降疫氣不行兵革不起邪

見相師復作是說是八曜力之所作為廣說
上事若諸世間不修正法不順法行不孝父
母不敬沙門及婆羅門則阿脩羅勝以阿脩
羅勝故雨澤不時人民饑饉兵刃數起世間
邪見諸相師等作是思惟八曜所作爲世人
說星宿之過廣說如上如是一切諸外道等
不知正法及以非法以愚癡心憶想分別不
如實說以阿脩羅勝龍王不如時護世四天
王即向四天衆伽陀頌曰

法勝非法滅 增寶離妄語 天勝阿脩羅

光明勝黑闇	布施勝慳貪	持戒莫毀犯
佛勝非外道	不動勝退沒	實語莫詭曲
悲心勝怒害	慈心勝瞋恚	天王勝脩羅
上勝下莫增	豐勝勿饑饉	智勝滅愚癡
法戒滅衆惡	精進離懈怠	丈夫勝女人
長者勝小人	忍勝於瞋恚	人勝非惡 <small>○</small>
白日勝於夜	月勝非餘曜	五穀勝菅蕘
滅苦樂增長	離病常安樂	柔軟勝麤惡
解脫滅衆縛	法戒勝一切	善法常增勝
不善常消滅		

護世四天王如是說已即擊天鼓作如是言
諸天大衆龍王退弱阿脩羅勝時諸天衆聞
是語已莊嚴器仗於須臾頃至於大海上若
世間人孝養父母敬事沙門阿脩羅衆見諸
天來即時退散還入其宮若諸世人不孝父
第十九母不敬沙門及婆羅門於須臾時與天共聞
天亦得勝花鬘阿脩羅王敗散還宮比丘如
是觀阿脩羅與天共鬪如實見已生厭世心
順法修行復次比丘知業果報觀第三地華
髮阿脩羅王所受業報以何業故生第三地

彼以聞慧見此衆生因節會日相撲射戲擣
蕪園著種種博戲因此事故行不淨施無心
無思亦無福因是人身壞墮於惡道生遊戲
行阿脩羅中壽七千歲以人中七百歲於阿
脩羅中一日一夜如是壽命滿七千歲亦有
中夭命亦不定復次比丘知業果報觀察思
惟華鬘阿脩羅王即以聞慧知此阿脩羅王
以食施於破戒病人心無淨思以此業緣生
阿脩羅中於鉛毗羅城作阿脩羅王名曰華
鬘其所食味如天所食須陀之味一切樂具

如前所說

正法念處經卷第十九

寶光

音釋

具善

具子
呂公

耶切

免咎也

戶切

網也

於憲切

堪也

切

睭也

五切

各

也勞

郎到

切

也

搏

胡雨

也

搏

茅屬

古開切

崖也

搏

魚

搏

母崖

永樂北藏

正法念處經

第六三冊